

Zusammenstellung der Übergriffe der Vögte von Mätsch gegen das Bistum Chur, besonders unter der Regierungszeit von Bischof Hartmann II. von Werdenberg - Sargans zu Vaduz (1388 — 1416) und Schilderungen der verschiedenen Vermittlungsversuche, Schiedssprüche, Urteile und Kriegsläufe.

Vnderschiedliche eingriff, derer von Mätsch¹ dem Stifft Chùr / Zúgefüget. Item so hand die von Mätsch¹ gült aùf vnser Kilchen, die Wir ze lehen haben, geleit / wider recht, vnd sprechent, ess seig Vogt recht, dz Sie doch mit Recht nit thúen / söllent, vnd nemmen sich an vnser Kilchen^a an vnsern Willen ze besetzen, vnd ver- / bietendt, vnd trówent vnsern Pfaffen an der Etsch, dz Sie khein vnser geistlich / gebott nit haltent, dz Ihnen doch nit zugéhórdt.

Item so habent Sie iez^b bey zechen Jahren her genommen,^c vnd auch vnser Pfaff- / heit, vnd Kilchen, in der Grafschafft Ze^d Týrol alle Jahr vnser Geistlich collect, / dz kheinem^e leyen zugehórt, Vber dz Wir die Collect aúch genomen habent, die / Vnss von Recht zugehórt.

Item so^f habent die^g von Mätsch mit gewalt ohn recht sich vnderzogen, vnd angenommen, / Vögt ze sein, vber dz frawen Closter ze Münster², dz da mit hilff vnser vor- / fahrend^h Bischoffen zú Chùr, Gestifft, vnd gewidmet ist, mit lút, gúet, gült, / vnd zinss, dz die Bischoffen von Chùr daran geben hand, Vnd habent die von Mätsch¹, / das gethan, wider vnser freyheit brief, lút, vnd sag, darzú so hand Sie etlich / new vfsáz, vnd zöll vfgesetzt, dz Sie alles widerrecht, vnd vnbillichenⁱ gethan/hand, wan dasselb Closter in vnser Gottshúss gebiet vnd Grichten glegen/ist.

Diss^k ehegannten^l schaden, vnd beschwárnúss ist Vnss vnserm Stifft, vnd vnsern / armen leüten beschechen, wider vnser kúndtschaft, vnd wider^m die Königlich / vnd Keyserlich freyheit brief, so Wir haben, von diser vnrechtenⁿ bschwernúss / wegen, so die von Mätsch¹ vnsern armen Gottshausleüten gethan hand, / mit dem ehebenemnten stüren fútrúngen,^o schazúngen vnd sindt vnser vor- / fahrendt, Stifft,